



De STHB (Stadtheimatbund Münster e. V.)

is för alls dao, wat met münsterske
Heimatkultur to doon hät. He bütt
siene 33 Vereine Hölpe bi Heimatpläige,
Heimatföörskung un Präsentation van
iähr Doon.

He möch daoto bidriegen, dat Münster
sienen Patt wiedergeiht äs Stadt van
Wiettenschop un Liäwensard.

He arbeitet daoför, dat Münster in en
Europa, wat ümmer mähr bineenwäss,
Münster bliff: de schöne Stadt in de
Mitte van de hele Region, de Stadt,
in de to liäwen sick
lauhnt un Freide mäk.

He will methelpen, dat all dat Guede,
wat düör 1200 Jaohre in Münster
wassen is un et druogen hät, siene
Kraft behällt.

He geiht daovan uut, dat jedereen
in de Büörgerschop van Münster
sick för dat Hele tostännig föhlen
un engageren kann un sall; dat
bedräpp besunners de Arbeit in
de Vereine un in en Ährenamt. So
kann dat, wat de STH B dööt un will,
up brede Grund in de Stadtgesel
schop staohn.

Uut dat graute Spektrum van
STH B-Aktivitäten sallt hier drei
nommt wärden:

- Münster äs Stadt van den West-
fäölsken Friäden van 1648 un äs
Friädensstadt vandage wieder-
brennen,
- de nederdüütske Kultur in Spraake,
Literatur, Leed, Thriaoter usw. bewah-
ren un pläigen,
- Münsters Büörgerschop upmüntern,
sick för de Stadt to engageren.

Afriet-Riemsels

September / Hiärfstmaond 2024

De Rause.

Du raude Rause,
Du hiärtleive Wicht,
Iek mott Di verlaoten,
Et föllt mi nich licht.

Iek treck in de Friemde met Quaolen,
Män kuemm ick torüg üöwern grönen Rhien,
Vergiätten iss alle Naut un Pien,
Seih de raude Rause ick straohlen.
Nu kuemm ick wier ut de wiede Welt,
Wu iss't, datt't to Huse mi nich mähr geföllt?
En ruhen Wind blöss von'n Nuorden,
De schönste Rause van wiet un siet
Iss in de lange Woeltetiet
Ne Hagebutte wuorden!

Eli Marcus, Sonnenblomen, Münster 1913



Weitere Informationen zu Eli Marcus finden Sie
indem Sie den QR-Code scannen.

Spruch des Monats:

„Hol di män an't Kiädeln,“ sag de Buër, dao friggede
sien Suon an'ne rike Schultendochter.

Worterklärung/Wörde:
kiädeln – kitzeln

Stadtheimatbund Münster e.V.
Geschäftsstelle im historischen Torhaus
Neutor 2 | 48143 Münster
Tel.: 0251 98113978
info@stadtheimatbund-muenster.de
www.stadtheimatbund-muenster.de

STH B